

**Talamdan sa
Mga Mensahe alang sa Full-time Training
sa Fall Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN
SA MGA SULAT NI PABLO—UNANG CORINTO**

Mensahe 12

**Motahod sa Pagkaulo ni Cristo pinaagi sa Pagsuyop sa Iyang Kadato
ug sa Pagpasakop Nato sa Iyang Pagkaulo aron Mailalom sa Iyang Trono**

Basahong Kasulatan: 1 Cor. 11:3; Col. 2:19; Bug. 22:1-2a; Ezeq. 1:22, 26; Bug. 3:21

- I. Tahoron gyod nato ang pagkaulo ni Cristo diha diosnong pangagamhanan—“Buot kong masayod mo nga si Cristo ang ulo sa tagsatagsa ka lalaki, ug ang lalaki maoy ulo sa babaye, ug ang Dios maoy ulo ni Cristo”—1 Cor. 11:3:**
- A. Dinhi ang pagkaulo ni Cristo sa tagsatagsa ka lalaki may kalabotan sa tagsatagsa ka tawo; si Cristo ang Ulo sa Lawas, sa iglesia (Efe. 5:23), sa hiniusa, ug sa mga magtutuo sa tinagsa.
 - B. Ang pagpaninguha nga magpakaulo nga dili una magpasakop sa pagkaulo sa Dios maoy hinungdan sa pagkahulog sa mga manulonda; gusto tang manghimatuod sa masupilong mga manulonda nga gidawat nato si Cristo nga atong Ulo—Isa. 14:12-15; 1 Cor. 11:2-3, 10.
 - C. Tumong sa Dios nga itudlo si Cristo nga Ulo aron magpasakop Niya ang tanang tawo; mga tawo gyod unta ta nga nagpasakop sa pagkaulo sa Dios, nga tungod sa kaugalingon natong pagpasakop ni Cristo magpakita sa kaugalingon Niyang pagpasakop sa Dios—Efe. 1:10; 1 Cor. 11:10; Fil. 2:5-11.
 - D. Si Cristo, nga Anak sa Dios, isip Ulo sa katawhan sa Iyang pagkatawo, nagpasakop sa pagkaulo sa Dios Amahan alang sa pangagamhanan sa gingharian sa Dios—Juan 5:19, 30.
- II. “Magpabilin sa Ulo, nga gikan Niya ang tibuok Lawas, nga madagayaon gyong gisangkapan ug gitagik pag-usa pinaagi sa mga lutahan ug kaugatan, nagtubo sa pagtubo sa Dios”—Col. 2:19:**
- A. Kon magpabilin ta sa Ulo (v. 19), sigeng suod nga nadugtong Niya, dili magkalainlain ang paghubad nato sa Kasulatan; mahitabo ang mga kalainan sa dihang dunay dili magpabilin sa Ulo, kay si Cristo nga Ulo dili man gyod mamulong og usa ka butang sa usa ka bahin ug laing butang sa usa pa ka bahin.
 - B. Isipon gyod nato ang “usa ka baba” sa Roma 15:6 ug ang “mamulong sa mao ra nga butang” in 1 Corinto 1:10 uban sa “usang bag-ong tawo” in Efeso 2:15.
 - C. Ang Ulo sa Lawas isip usang bag-ong tawo maoy persona sa Lawas, ug kining personaha dunay usa ka baba nga mamulong sa mao ra nga butang; magpabilin ngani ta ni Cristo nga Ulo, gihimo natong tanan Siya nga bugtong-talagsaong persona nato, mao nga usa ra ang baba natong tanan ug nagkahiusa ta aron mamulong sa mao ra nga butang—ang bugtong-talagsaong pagtulon-an sa walay kataposang pamatigayon sa Dios kalabot ni Cristo ug sa iglesia—1 Tim. 1:3-4; Efe. 5:32.
 - D. Isip mga bahin sa Lawas ni Cristo, gisuyop nato ang makatil-og nga elemento gikan sa Ulo; sa pagsuyop nato sa kadato sa Ulo, motubo ang Lawas sa pagtubo sa Dios, sa pagkadugang sa Dios nga kinabuhi sa sulod nato; kay ingon niini man ang pagpatubo sa Dios kanato, mogugol gyod tag panahon sa pagsuyop Kaniya:
 - 1. Dili gyod nato dalidalion ang pagkontak nato sa Ginoo; matag buntag mogugol gyod tag igong panahon sa pagsuyop sa Ginoo; labing maayo nga mogugol tag 30 minutos sa pagpahimulos Kaniya sa pagsugod sa matag bag-ong adlaw.

2. Kalimtan gyod nato ang atong sitwasyon, kahintang, mga kapakyasan, ug mga kaluyahon ug mogugol lag panahon sa pagpahimulos ug pagsuyop sa Ginoo; mogugol gyod tag daghan pang panahon diha sa atong espiritu aron mosimba sa Ginoo, magdayeg Niya, magpasalamat Niya, ug gawasnong makigsulti Niya.
3. Sa makig-ambitay ta Niya sa ingon niini, masuyop nato ang Iyang kadato, ug idugang pa gyod Niya ang Iyang Kaugalingon kanato aron motubo ta sa pagtubo sa Dios.

III. Magpasakop gyod ta sa pagkaulo ni Cristo aron mailalom ta sa Iyang trono; ang naglingkod sa trono mao ang Cordero-Dios, ang atong Dios nga nagtubos, ug gikan sa Iyang trono nag-agay ang suba sa tubig sa kinabuhi nga magsangkap ug magtagbaw nato:

- A. Gipakita sa Bugna 22:1-2a giunsa sa Tulo-usang Dios—sa Dios, sa Cordero, ug sa Espiritu, nga gisimbolohan sa tubig sa kinabuhi—pagpaambit sa Iyang Kaugalingon kanato ilalom sa Iyang trono, sa Iyang pagkaulo—itandi sa Juan 4:14b.
- B. Ang dalan sa balaang syudad lunsayng bulawan, nga nagsimbolo sa diosnong kinaiya; kangang nag-agay ang suba sa tubig sa kinabuhi “sa kinatung-an sa dalan niini” nagtimaan nga nag-agay ang diosnong kinabuhi diha sa diosnong kinaiya isip bugtong-talagsaong paagi alang sa adlaw-adlawng pagkinabuhi sa tinubos nga katawhan sa Dios—Bug. 21:21b; 22:1.
- C. Labot pa, si Cristo nga kahoy sa kinabuhi mao ang sangkap sa kinabuhi nga mapahimuslan ubay sa agay sa Espiritu nga tubig sa kinabuhi; asa ngani moagay ang Espiritu, naa sab didto ang sangkap sa kinabuhi ni Cristo—v. 2a.
- D. Alang sa pagdumala sa panimalay sa Dios, sa walay kataposang pamatigayon Niya, ang trono sa Cordero-Dios; ang Dios maoy nagtinguha, nahimo Siyang Cordero nga nagtubos, ug sa kataposan, nahimo Siyang taghatag-og-kinabuhi, nag-agay nga Espiritu—Juan 1:14, 29; 1 Cor. 15:45b:
 1. Magpasakop ngani ta sa pagkaulo ni Cristo ug mailalom sa Iyang trono, mabati dayon nato nga dunay puno sa kadato sa Dios nga nag-agay sa sulod nato.
 2. Matag buntag inigbangon nato, moingon gyod ta nga, “Ginoo, salamat sa bag-ong adlaw nga mahimo Kang akong Ginoo; magpasakop ko sa Imong pagkaulo sa tibuok adlaw; Ginoo, ipahamutang ang Imong trono sa akong kinabuhi; ipahamutang ang Imong trono sa sentro sa akong pagkatawo; Ginoo, ipailalom sa Imong trono ang tibuok nakong adlaw ug ang kinabuhi nako adlaw-adlaw.”
 3. Kon moampo ta sa ingon niana sa Tulo-usang Dios matag buntag, sukad nianang gutloa moagay sa sulod nato ang buhing tubig nga atong mainom; labot pa, mapahimuslan nato ang diosnong kinaiya ingon nga atong balaang dalan, atong bugtong-talagsaong paagi, ug makaon nato ang kahoy sa kinabuhi nga atong sangkap sa kinabuhi—Bug. 22:14, 17.
 4. Kon gibati nato nga wala mag-agay sa sulod nato ang buhing tubig, tungod kini kay wala man nato dawata o ilha ang pagkagino, ang pagkaulo, ug ang pagbulot-an sa Tulo-usang Dios diha sa sentro sa atong pagkatawo.
 5. Sa dapit nga giagayan sa Tulo-usang Dios, moalagad ta Niya, makita nato ang Iyang nawong, ug maghari ta uban Niya—vv. 3-5.
- E. Ang trono sa Dios ug sa Cordero mao ang trono sa grasya nga naa sa atong espiritu (nga mao ang tinuod nga Bethel, ang puluy-anan sa Dios); moliso ngani ta sa atong espiritu, makasulod ta sa ganghaan sa langit ug makahikap sa trono sa grasya sa langit pinaagi ni Cristo nga langitnong hagdan—Heb. 4:16; Rom. 5:17, 21; Bug. 4:1-2; 22:1; Rom. 8:34, 10; Efe. 2:22; Gen. 28:12-17; Juan 1:51.
- F. Ang naa sa trono mao ang Cordero-Dios, nga ang Cordero maoy suga ug ang Dios maoy kahayag nga naa sa suga; palingkoron ngani nato si Cristo sa trono sa tanang bahin sa atong pagkatawo ug sa tanan natong pagkinabuhi ug buhat, masinati nato Siya isip nagtubos, nagsidlak, ug naghari aron mapahimuslan nato Siya ingon nga sangkap sa kinabuhi ug dalan sa kinabuhi diha sa pakig-ambitay sa kinabuhi—Bug. 21:23; 22:1-2; 21:21b.
- G. Ang naa sa trono dunay dagway sa sardio (nagtimaan sa katubsanan ang pula nga kolor niini) ug jaspe (nagtimaan sa kinabuhi sa kadato niini ang luto nga pagkaberde nga kolor niini); busa, kon magpasakop ta sa pagkaulo ni Cristo ug magpailalom sa Iyang trono, kita

ang mga makadawat og kaayohan sa tanang pagkamao Niya sa Iyang balaodnong katubanan ug organicong kaluwasan aron masama tag dagway sa Dios sa himaya diha sa daga yang kinabuhi Niya—4:3; 21:11.

IV. Gipakita sa Ezequel 1 ang hulagway sa trono sa Dios ibabaw sa tin-awng langit—vv. 22, 26:

- A. Kinahanglang duna tay tin-aw nga espirituhanong langit (tin-aw nga konsensya) nga sama sa makalilisang nga kristal tan-awon, nga nagpasabot nga walay nakaulang tali nato ug sa Ginoo ug walay nakaulang tali nato ug sa usag usa—Buh. 24:16; 1 Tim. 1:5; 3:9; 2 Tim. 1:3.
- B. Ang sapirong trono ibabaw sa hawan nga tin-aw sama sa kristal nagpakita nga duna ngani tay “tin-awng langit” sa atong Cristohanong kinabuhi ug sa atong iglesiahanong kinabuhi, maanaa ta sa pagbuot sa trono sa grasya ug duna tay langitnong sitwasyon, kahimtangan, ug kahimtang sa nagbuot nga presensya sa Ginoo—Ezeq. 1:26; Heb. 4:16; Rom. 5:17, 21.
- C. Ang kinahabogang punto sa atong espirituhanong kasinatian pagkaanaa may tin-awng langit nga dunay trono ibabaw niini; nagpasabot ang pagdangat nato ning puntoha nga sa tanang butang ang Dios maoy gipauna nato sa tanan ug hingpit tang nagpasakop sa Iyang pagbulot-an ug administrasyon.
- D. Kon duna tay trono sa atong espirituhanong kinabuhi, dili lang nga magbuot ang Dios ka-nato kondili magtuman sab sa Iyang tuyo dinhi nato, uban nato, ug pinaagi nato—Col. 1:18b; Ezeq. 1:5, itandi sa v. 26.
- E. Ang naglingkod sa trono mao si Jesucristo, ang tawo-Dios, ang panagsagol sa Dios ug tawo—v. 26; Juan 6:62; Buh. 7:56; itandi sa Fil. 2:9-11; Rom. 10:12-13:
 1. Ang tawo nga naa sa trono dunay panagway sa electrum ug kalayo—electrum gikan sa Iyang hawak pataas ug kalayo gikan sa Iyang hawak paubos—Ezeq. 1:27-28.
 2. Ang ibabawng bahin sa tawo, gikan sa iyang hawak paingon sa iyang ulo, mao ang bahin sa pagbati, sa pamatyag, nga nagtimaan sa iyang kinaiya ug disposisyon; segun sa Iyang kinaiya ug disposisyon, si Ginoong Jesus nga naa sa trono dunay panagway sa electrum, ang masanagong pagpadayag sa nagtubos nga Dios.
 3. Ang ubos nga bahin sa lawas sa tawo alang sa paglihok; ang panagway sa kalayo gikan sa hawak paubos nagtimaan sa panagway sa Ginoo sa Iyang lihok uban sa nagsunog ug nagbalaang gahom Niya—itandi sa v. 4.
- F. Tuyo sa Dios nga magbuhat diha sa tawo aron maanaa sa trono ang tawo—“palingkoron Nako uban Nako sa Akong trono ang makadaog, maingon nga nidaog sab Ko ug nilingkod uban sa Akong Amahan sa Iyang trono”—Bug. 3:21.
- G. Ingon nga Magbubukas, gihimo ni Ginoong Jesus ang dalan aron makasulod sa himaya ug molingkod sa trono, ug kita, nga daghang igsoon Niya, nagsunod Niya karon—Heb. 2:6-11; Bug. 22:5.
- H. Tinguha sa Dios nga dad-on ta sa trono tungod sa pagsupil ni Satanas batok sa trono sa Dios—Isa. 14:12-14:
 1. Ang trono ni Satanas mao ang kalibotan, nga hinimo sa ambisyon, pagtuboy-sa-kaugalingon, ug mga opinyon lakip ang mga pangagpas; moresulta nganhi sa pagbahinbahin kining tulo ka butang, mahimong “ang daotan” ang kalibotan—Bug. 2:12-13a; Juan 17:15.
 2. Ang paagi nga maluwas ta gikan sa kalibotan ug sa pagbulot-an ni Satanas pagbalhin man gikan sa atong kaugalingon ngadto sa Tulo-usang Dios aron magkinabuhi ta nga nagpasakop sa pagkaulo ni Cristo.
 3. Kon sige tang mokontak sa Pulong ug magpatandog sa Espiritu adlaw-adlaw, mabalaan ta; sa ato pa, mopahawa ta sa atong kaugalingon, sa daang puluy-anan nato, ug mobalhin sa Tulo-usang Dios, sa bag-ong puluy-anan nato—vv. 17, 21; itandi sa Bug. 2:17.
 4. Sa ingon niana, makabalay si Cristo sa atong kasingkasing, kay gipalingkod man sa trono sa atong kasingkasing ug nagbuot nato sa tanang butang aron himoon tang tin-aw, masanagon, lunhaw, ug buhi nga nagpasakop sa Iyang pagkaulo aron hingpit ug hiniusang mapadayag si Cristo sa himaya—Efe. 3:16-19; Bug. 22:1; 21:11.